

**2019-imut Nunatta Karsiata naatsorsuutaasa akuersissutigineqarnissaannik siunnersuut**  
(Aningaasaqarnermut Naalakkersuisoq)

**Akissuteqaat**  
(Aningaasaqarnermut Naalakkersuisoq)

**Siullermeerneqarnera**

Matumuuna ukiumut aningaasanut inatsiseqarfiusumut 2019-imut Nunatta Karsiata naatsorsuutai Naalakkersuisut sinnerlugit saqqummiutissavakka.

2019-imut naatsorsuutit Namminersorlutik Oqartussat kukkunersuiusunit avataaneersunit apeqqusernagit akuerineqarput.

Nunatta Karsia 2019-imi IST-mi 137 mio. kr.-nik sinneqartooruteqarpoq, tassani ilassutitut aningaasaliissutit ilanngullugit 43 mio. kr.-nik amigartooruteqartussatut missingersuusiortoqarsimagaluarpoq, taamaalillunilu katillugit pitsanngoriaatinik 180 mio. kr.-nik nikingassuteqarlutik.

IS-imi sinneqartoorut 142 mio. kr.-uvoq, tassani ilassutitut aningaasaliissutit 48 mio. kr.-t ilanngullugit amigartoorutussatut missingersuusiortoqarsimagaluarpoq, taamaalillunilu katillugit nikingassutit 190 mio. kr.-ullutik.

Naatsorsuutit inerneranni Nunatta Karsiata isertitaasa 104 mio. kr.-nik qaffassimanerannik takutitsisuupput. Pingaartumik eqqussuineranut akitsuutit, naqissusiineranut akitsuut, qamutitut motoorilinnut akitsuut, sulisoqarnermut akitsuut kiisalu qalerallinnut akitsuut tamarmik ataatsikkut katillugit naatsorsuutigisamit 53 mio. kr.-nik amerlanernik isertitaqarfiullutik.

Nunatta aningaasaqarnerani ingerlataqassuseq 2019-imi suli qaffasippoq aammalu aalisarnermik inuussutissarsiorneq pisortat aningaasaqarnerannut akitsuutitigut nunalu tamakkerlugu akileraarummit isertitaqarfiulluarpoq.

Ingerlatsineranut aningaasartuutit nalinginnaasut 2019-imi akit akissarsiallu ineriartorerata nalinginnaasup nassatarisaanik aqunneqartumik annertuseriarput.

Naatsorsuutit pingaartumik Namminersorlutik Oqartussat Greenland Holding A/S-imi aammalu Air Greenland A/S-imi piginneqataassutit pisinerannit kiisalu Kalaallit Airports Holding A/S-imut aningaasaliissuteqarnerannit sunnerneqarput. Katillugit 1.509 mio. kr.-t aningaasaliissutigineqarput, pingaartumik Siunissamut Ungasinnerusumut Aningaasaliissutissanut Aningaasaateqarfimmi aningaasat 838 mio. kr.-t atornerisigut kiisalu Air Greenland A/S-imit immikkut ittumik 461 mio. kr.-nik iluanaaruteqarnikkut.

Sanaartugassanut Iluarsagassanullu Aningaasaateqarfimmi uninngasuutit 2019-imi 55 mio. kr.-nik ikileriarput. Katillugit 487 mio. kr.-nik aningaasaliisoqarpoq, atuinerlu 542 mio. kr.-miilluni. Tassunga tunngasumik paasissutissat erseqqinnerusut sanaartorneq pillugu immikkut nassuiaat innersuussutigineqarpoq.

Nunatta Karsiata 2019-imut naatsorsuutaasa akuersissutigineqarnissaannik siunnersuut Kukkuersiuinermut Ataatsimiititaliamut suliassanngorlugu innersuunneqassasoq siunnersuutigineqarpoq.

Ataatsimiititaliap naatsorsuutinik sularinninnissaminut taakkulu pillugit isumaliutissiissusiornissaminut, taamaalilluni taanna ukiakkut ataatsimiinnermi saqqummiunneqarnissamut piareersimanissaanut naapertuuttumik piffissaqartinneqarnissaa siunertaralugu siunnersuutip 2019-imi ukiakkut ataatsimiinnermi aappassaaneerneqarnissaa siunnersuutigineqarpoq.

Kukkuersiuinermut Ataatsimiititaliaq kukkuersiuinernermut nalunaarummik kukkuersiuisunit avataaneersunit sularineqartumik pissarsissaaq aammalu ataatsimiititaliap nalunaarummi kaammattuutit oqaaseqaatillu pillugit apeqqutigisinnaasai Naalakkersuisut pisarnermittut allakkatigut akissuteqarfigissavaat.

2019-imut Nunatta Karsiata Naatsorsuutai pillugit Naalakkersuisut Kukkuersiuinermut Ataatsimiititaliamik oqaloqatiginnilluarnissaa qilanaaraat, ataatsimiititaliarlu sulilluarnissaannik kissaallugu.

Taama oqaaseqarlunga Naalakkersuisut sinnerlugit 2019-imut Nunatta Karsiata Naatsorsuutai Inatsisartunut suliassanngortippakka.